

上篇

南漢 星度 分野 山川 形勝 建寔 城池 疆域

坊里 郡名 姓氏 職官 宮室 官廨 樓亭 陵寢

壇廟 學校

# 南漢誌

禮















# 序

東方立國粵自檀箕而方域殆如堯封之難覓繼而有三  
韓三國而文獻又如杞宋之無徵高麗金富軾斷自三國  
為史而採其輿地附于史此歷代史志之通例而東國地  
志之始也暨我國朝乃有輿地勝覽蓋以大 明一統  
志為推輪總括八域之輿地彙成通志八道郡縣亦以勝  
覽為義例各有其志東國地志於是乎大脩夫今之志書  
史之支流也然志有一代之地志有一方之地志而一方  
之志與一代之志其義例又不同也故修志書者以史為  
根柢而不能離乎史援古證今考覈精確事該而蹟脩庶  
可為體用之全而文獻之徵也距京師東南四十里曰廣



州府百濟之故都新羅之南漢山州也地在漢水之南府  
於漢山之下故曰南漢在唐曰廣州而今因之至於府者  
羅曰軍主曰都督唐曰牧使而使為府尹尹陞留守本

朝之所稱也若其山城羅時始等於漢山之上而自羅訖  
麗千有餘歲城之興廢不可復攷我 仁祖丙寅因舊址

改等守禦使設營于京師制軍務府尹開府于城主治民  
社而以尹陞留守蓋自 肅廟庚申至于 英宗己卯出而

旋還陞而又降去來無常規模莫定 正宗乙卯撤罷京

營以留守兼守禦使永鎮本城地利人和俱得其方魯侯  
之楨幹永固萊公之鎖鑰增重實為京師之輿衛而天府  
金湯也敬謨於 當宁甲辰受 命出鎮莅事考蹟無所



足徵府有舊志斷爛尤簡不堪憑信適得徐公命膺所編  
南城志蓋於 正宗己亥以守禦使承 命纂次而未成  
書者乃與舊志參互而重訂旁採國史野乘之屬於州者  
此事屬辭補舊增新剖別而分其門疏列而從其類薈萃  
成書凡十有三篇此可為南漢之一副信史而自始迄今  
建事無稽猶未及史之闕是可恨也噫南漢畿甸之一方  
也輿地亦載於勝覽而勝覽之作在於國初是後州之典  
章經制多未添入且修城設營作為晉陽之保障歲閱二  
百而城史之尚今闕焉殆鄭漁仲所云古今作史者世世  
為天文志五行傳而地利則未之言者歟今是書也三國  
以來故寔雖不得以詳記事纂言各有條叙不第方域地



理已也而能得地志之通例亦未嘗離乎史欲徵乎南漢  
之文獻舍是書奚以文獻足徵則傳于後傳亦久也是為  
序

上之十二年丙午仲春豐山洪敬謨書



重訂南漢志卷首

叙例

一志者記一代之典章經制也而地理志居其一焉志  
方域者祖禹貢周禮志地理者始馬史班書而馬史  
所載地理但述河渠班書于州國郡縣時俗之異經  
星之分風氣所主區域之名戶口之數各有條叙與  
禹貢周禮所記相埒不第山川已也是後唐書金史  
地志并詳於土貢物產遼史地志喜談沿革五代史  
職方考地名以外一切略之雖有取乎簡嚴而志體  
則未是也然諸史地志不過詳一代之疆域與其郡  
邑之頒隸而已未有統古今之沿革損益而覩縷言



之者自卽蔚括地志始具大凡及李吉甫元和郡國志頗加詳焉而歐陽忞輿地廣記豐贍可觀此地志之善也宋樂史撰太平寰宇記徵引雖博而事多採諸野記不與正史合識者無取焉他若王存等蜀等所著方域九州元豐郡國等地理志蓋過樂史遠矣元時始修大一統志而其書罕傳明初修大明通志至景泰中書成裕陵復辟病其泛濫重加刪輯為一統志頒行於天下今之志書寔倣乎此而亦有相沿之通弊夸飾攀附二者也夸飾則繁攀附則濫以古今諸地志觀之唐宋元之志不甚謬至明而謬始極通都大邑之志不甚謬至僻邑而謬益甚其體例謹嚴考



訂詳確者千百之一二耳

一東國地志始于三國史而或書郡邑之號而不知其  
何地或載山川之名而未分其所屬且云未詳者多  
此蓋三國以來以干戈為事不尚文治掌故者亦無  
所記而然也暨夫本朝興地勝覽成而八域之疆域  
山川諸條各有綱紀此可為地志之集成八域郡邑  
之志亦視勝覽為例然自勝覽以至郡邑諸志皆考  
覈弗盡缺略甚多文獻之足不足有如是也

一南漢舊有志分綱立目雖依勝覽疎漏無足徵徐公  
命膺又有所編頗詳於舊志而合內外營而為例故  
與今不同處多況初未成書又況後徐公今為七十



餘年乎俱盡足以資考今乃重訂作為完書以圖壽傳之方

一南漢志亦依勝覽義例纂次而勝覽乃是國初所編而更未續成則是後四百餘年政寔并不得入載故以其諸條隨事分門編入於是志皆勝覽後所有之事也蓋勝覽一代之志故簡而要是一方之志故博而詳其與勝覽大同而小異也

一志凡十三編為目者六十三而十八目兩志之所不載者也兩志原有之條多有闕佚乃援古證今補舊增新又添以十八目細而不遺詳而毋繁務歸文獻之足徵



一南漢之號自羅廣州之名自廢而今并稱之蓋南漢  
山城之號廣州一府之名也志至於山城故謂之南  
漢志先書南漢一目於篇首以示統領一府之義

一星度分野舊志之所無徐志之所載也更加考訂而

### 入錄

一境內山川之指點為某山某水者隨其名而入錄有  
事蹟則亦載之此勝覽之義例兩志之所載也一州  
之山蓋自白頭而來故詳其本支而附于下漢江之  
源亦如之

一州之形勝、覽與兩志俱無所載蓋山以經之水以  
緯之以成一州之地百濟始祖覽其關防之固而為



都則豈無形勝之可言乎然以只以山城形勝添錄者以其州治之在山城而舉一反三也

一州之建置勝覽之所載也而志依其本入錄而羅藩之間沿革亦多闕漏故更考三國高麗史而添錄

一山城世以百濟始祖王所都之地未知何所據而為說也百濟史云溫祚十三年就漢山下立城闕漢山即今之日長山而溫祚就山下立城闕則非等城於山上也蓋其舊都即今之黔丹山下而廣州古邑治也猶有舊址之可尋者古史野乘初無城於山上之文世人之不究故寔直稱其故都在於南漢山城而城為溫祚所築何歟溫祚雖都於山下或設柵等土



於山上以作閼防之地而新羅文武王因其地而更  
等歟濟史疎略殊未敢知然特書百濟故城在於山  
下以明其不在於山上也

一山城自本朝 仁祖甲子始改等而 列聖朝以來  
修改與外城之增等墩臺將臺之加設更為詳錄廟  
堂諸議之可資後考者亦附于下

一自三國時置州設官至本朝屢改之兩志俱插入於  
建置之中而只舉其槩故別立一目詳載羅麗以後  
至本朝官制以見其沿革之故寔

一本城以行宮為坐衙之所初不別立官廨故兩志俱  
無所載自 純宗丁丑以後始建坐勝堂日長閣樓



亭亦多新建故立目詳錄以倣志之通例

一 本州境內有三陵寢而兩志只云某陵在某地

更無所載故各以諸條分錄於三陵英禧兩陵

雖是遷奉於他邑當初因山為陵既在獻陵局內

故亦載遷奉之年月兩朝胎室并附于下

一 境內墳墓已載於勝覽而舊志略為添入徐志則無

此目更以勝覽所未載之有官爵人墓山入錄外此

并不盡記

一 場市一目地志之所無者既在於境內亦是生民實

遷之事故始添入於諸條中下附松坡場罷仍之事

實



一營制軍制舊志之所無徐志之所載而徐志所載內  
外營並設時營制也出鎮後罷內營防營而并屬於  
外營故以外營之制軍制為主而內營之制猶且仍  
置者以見其當初設施之制至於操鍊試藝係是軍  
務事故亦為分錄

一徐志以軍器軍物合為一目而是乃內外營所在而  
并錄者也軍物軍器雖若一體形名不同內外各殊  
今乃分目為二惟以山城所序者按名入載而有無  
完缺較諸當初可謂名存而實無妨以流來所傳及  
現在之數并為入錄

一軍需穀為主銀錢次之穀以餉士卒錢為軍中之用



則俱當蓄積而穀之初為十萬者今為二萬以此之  
數何以餉士而守城乎且年々糴糴取耗添餉自是  
定制又以外道穀添餉而數百年來更無加於此數  
未知何故也穀為餉需則銀錢之屬初無設施者後  
來始有之數甚零些無足為軍中之用然猶并錄無  
論穀與錢耗損亦多加減每年不同事勢無或其然  
姑書自初所貯者及庫在之數以見古人設施之義  
一醬塩為餉穀之次守城重地不時御供之資不虞  
軍需之脩其重大緊切非比尋常而歲々沈入陳々  
相仍而漏而變味日曝而乾汙其中最久已成塵土  
隨風飄揚以生民日用飲食之物任他暴殄寧不寒



心乎鹽亦間三年燔造或埋於塼堞之間或積於兩  
庫之內而年久皆消便歸烏有且於燔造之時多不  
檢察任其消融亦豈不愛惜乎并以見在之數入錄  
一炭之埋置亦將為日後之用自初間一年質炭埋積  
於塼堞軍舖之間而年々所埋者非不積累已為盡  
碎轉成黑墳此何足需不時之用哉前後所埋炭為  
二萬四千一百九十二石所埋各處為九十四所其  
形址及所埋幾石一一詳錄俾得以後考

一營儲一營之所儲而儲膏也糶糶也支放也需用也  
皆從此出而各庫所儲初未富贍亦不能量入為出  
存贏餘脩不虞以其保障重地將何以為計乎夫軍



營之制雖為千萬年不拔之計猶惧其不支數百年  
況於目前之計乎至於經費支放之以歲入為用者  
豐歉之盈縮無常且有經用外不虞之需亦必取資  
於歲入則凡諸支費每患艱窘也然猶錄其所儲以  
見管餉杼軸之如斯云爾

一倉庫一營之大者當初所設之六倉今無見儲之穀  
倉亦盡毀而只有營倉東倉餉穀所儲之庫也別庫  
留儲御供御用之所祿倉即他道之民庫大同庫也  
凡諸公用皆出於此而典守不謹用道不節今幾塗  
抹不得寧不可惜六倉之不為刪削而并錄者以見  
其當初設施之盛



一本營屯田之數在各道各邑者為二十七所而稅納酌其中數雖值豐歉無所加減以為定式此乃當  
守丙申釐正者而前有 正宗己亥所錄本與今本互有異同故以小註附錄

一境內各面男女戶口自是年之增減之事而今以丙申摠入錄

一勝覽以中國史百濟傳中語載為本州之風俗州是百濟舊都而在東國則以文獻之無徵也今亦依此入錄下附論說

一鏤版兩志之所無者本城所在諸書并為入錄以備本州之文獻

一各官即在州而有治名之謂也自羅麗至本朝在州者之治名無以詳知以前後差除者一并載錄便成本州之先生業是可欠事

一諸史地志以生長於茲土而拔萃者補之以人物即人傑地靈之謂也本州之人無所表見者以行義有名及貫於本州而有聲者採而錄之此前所謂志之攀附則濫之謂也歟


一題詠之目勝覽之義例而舊志無之徐志有之而略錄詩文幾篇三朝御製之鈔籠於本城及獻陵齋室之詩崇烈殿侑文及綸音諸篇不可闕焉編之於首下附諸人詩文之未及入於徐志者



一城史而志之所不載者徐志中以本州沿革及本朝事實略之錄之亦多漏逸故更考三國高麗諸史本朝公私文字編為城史而於丙丁圍城中事最詳自有本城以來未有若此事之大者也

一既編城史更以百濟始都時事三陵故寔編為史餘蓋城史繫年繫月如元史之體史餘亦是記事而與元史稍異故所以分錄又以逸事古蹟附于下

一故實即本營出鎮後釐革之事各庫節目也資於後考別為立目而為編亦兩志之所無也





重訂南漢志總目

卷一

上篇

南漢

星度

分野

山川

形勝

建置

城池

疆域



坊里

郡名

姓氏

職官

卷二

工篇

宮室

官廨

樓亭

陵寢

壇廟



學校

卷三

上篇

關防

津渡

燧燧

驛傳

站院

場市

牧場

佛宇

墳墓

卷四

中篇

營制

內營

外營

防營

五營

留營

公幹

軍制



操鍊

試藝

軍物

軍器

軍需

卷五

中篇

供獻

營儲

經費

支放

公廩

倉庫

糶糴

屯田

堤堰

田結

結錢

賦役

戶口

風俗

物產



鏤版

卷六

下篇

名官

卷七

下篇

人物

寓居

節義

孝子

烈女

卷八

下篇

題詠

卷九

下篇

城史

卷十

下篇

城史

卷十一

下篇



史餘

百濟始都

三陵紀事

逸事

賸蹟

卷十二

下篇

故實

卷十三

下篇

故實





重訂南漢志卷一

上篇

南漢

星度

分野

山川

形勝

建置

城池

疆域

坊里

郡名

姓氏

職官



正宗己亥八月十一日

諭南漢守禦使徐命膺曰所重乎山城者夫宜但為陰雨  
之備而已駕到日取見邑志質之踈略不堪憑信殊是  
欠事況南北漢均是保障北城則有志又有刊本獨此  
南城無是云卿於此等典故當所留意則古事遺蹟之  
難出見聞者彙類分秩作成一書以圖壽傳之方不害  
為尚文獻之一端卿其遵此編摩事左副承旨臣徐有  
防成貼有 旨下諭于守禦使南漢所住處





重訂南漢志卷一

列上 洪敬謨 編

上篇

南漢

南漢山城百濟之舊而新羅之畫長城也本朝因而修之  
移廣州府治於城中始置府尹後罷府尹而陞留守兼  
守禦使以鎮之作爲保障之地又統領府之一境判官  
佐之

按南漢山今之曰長山也史云百濟始祖王遷都於  
漢山下廣州之舊邑治即其地而曰山下則非等城  
於山上而都也蓋漢山在其都五里而其後新羅取

其地始筭城於山上是城也似非百濟之所筭然或  
於百濟遷都之後亦立柵於山上而新羅因舊址改  
筭歟以其地在漢水之南故曰南漢而其後郡名之  
曰漢山郡曰南漢山州者皆以漢水為言也

○星度

北極出地三十七度三十分

與京師同

春秋分午正日高五十二度三十分日出卯初四刻日  
入酉初四刻晝四十八刻夜四十八刻○夏至午正日  
高七十六度日出寅正二刻十一分日入戌初一刻四  
分晝五十八刻六分夜三十七刻九分○冬至午正日  
高二十八度三十分日出辰初一刻四分日入申正二



刻十一分晝三十七刻九分夜五十八刻六分

○分野

析木之次箕之分一曰鶉火之次張之分

漢志曰燕地尾箕分野即析木之次樂浪玄菟亦宜屬焉晉志曰渤海入箕一度樂浪入箕三度玄菟入箕六度唐志曰析木之津初尾三度餘中箕五度終南斗八度自漢河間涿郡上谷漁陽右北平遼西遼東樂浪玄菟皆北紀之所窮也箕與南斗相近為遼水之陽盡朝鮮三韓之地在吳越東蓋樂浪京畿平安黃海三道地也玄菟咸鏡江原二道地也

本朝徐起趙憲等所訂東方分野圖以渾天二十八宿

分屬八道郡縣而京畿之廣州得鶉火午宮張六星與  
中國周之分同蓋自中國視我國我國但得箕一宿若  
自我國視中國當以渾天二十八宿為分野二十四節  
氣天下萬國皆以為節氣無有偏全之分也

○山川

日長山亦稱南漢山來自龍仁之寶蓋山即府之鎮山而  
城在山上國朝中葉以來忽又稱清涼山人以為清人  
來侵之徵山有新雨壇

秋嶺在五浦面龍仁界勝覽作楸嶺門懸山之過峽  
門懸山在五浦樂生兩坊之間主脉龍仁之寶蓋山

靈長山之南慶安面北細村面自門懸十五里為靈長



又折而東十餘里為清涼山

清溪山在義谷面北果川界一名青龍山有高巖趙猶望  
京臺峰巒秀拔絕勝

天臨山在大旺面西連清溪上有燧燧臺

大母山在大旺西北主脉水原之光教山

光秀山大母北麓

道養山在旺倫面東連光教

白雲山在旺倫東龍仁界

五峰山在義谷面西接果川界

青龍山在樂生面險川北峯巒秀麗

軍月羅山在慶安面東清涼南麓有高麗恭愍王殿座峰

主脉清凉山

黔丹山在東部西即古邑之鎮山也百濟僧黔丹禪師所居

廣嶽山在退村面北連黔丹

修理山在州北果川安山界一名見佛山主脉水原之光教山

大華山在都尺五浦之間勝覽作大海山、南龍仁地

馬鳴山在慶安之南五浦之東即大華北麓也

武甲山在草月面東連圓寂

雪滿山在彦州面西果川界自冠岳山來

淨光山在草月面南即武甲南支



靈積山在草月北卽武甲北支

圓寂山在寶村面一名元寂山驪州利川界主脉陽智之  
文殊山世稱光教修理武甲圓寂為州中四名山

鼎蓋山在寶村面山形高秀有似鼎蓋故名

養子山在寶村面

水鍾山在草阜面東南勝覽作旱谷山又稱草洞山

雲吉山在草阜面北主脉楊州之天摩山

禮賓山在草阜面西北東部之東本禮賓寺柴塲故名之  
頂上一巖四隅如斲橫豎有畫狀類碁局故俗稱仙人  
彈碁處其下有井是異東麓為奉安驛

鶯子山在退村面一名牛山

容山在東部古邑東即清涼東支山下有瀑布之已疾

金巖山在西部面即清涼北支中有龍虎洞

元德山在金巖北

二聖山在金巖北有百濟城北

丞相山在龜川面即清涼北支以三峰并峙故名

高志峰在龜川面楸灘上高麗李養中避世處

漢峰在本城東舊名汗峰亦窺見城中故築墩臺

望月峰在中位面

天柱峰一名鷹峰在本城西突起為峯

蜂巖峰在本城東又稱望月峰城四面無對峰唯此峰越

見城中故築墩臺



兩護嶺在慶安之南草月之西大小嶺南北相距五里即  
大華北支也大護之東有釜潭即祈雨所

利保峙在慶安面北勝覽作梨峴即清涼山之過峽  
渴馬峙在慶安面北勝覽作佳亭即靈長山之過峽  
月川峴又稱懸川勝覽作穿川峴在清溪天臨之間  
佛峴在龜川面即廣津東南有石佛故名

截釵巖在草月面嶺坪里有八仙亭

光教山在一用面

亭子山在一用面南即野中小山也有百濟離宮遺址光教

亭子山  
今屬水原

按山之為宗於域內者十二二曰白頭三曰圓山四

曰狼林五曰豆流六曰分水七曰金剛八曰五臺九  
曰太白十曰俗離廣州之山皆自白頭而來自白頭之  
山由鴨綠土門兩江之間為南而東南至于圓山圓  
山自西北而南之而又西又自西南而西北迤為東  
南至于狼林之山狼林自南而東南折而東北又東  
南東至于豆流之山豆流自東南而南又南至于分  
水之嶺分水之嶺自北東而東自南而又東之而又  
南為金剛之勝金剛自南而西又西而東南又南至  
于五臺之山五臺自東南而西至于太白之山太白  
自西而又西又西而為西南又南至于俗離之山俗  
離西次之山曰回踰之時北而東又北而西北又西



為七賢之山七賢之北次之山曰白雲凡鳳之山北  
至于大小曲頓之峴西南至于聖審之山又北至于  
水踰負兒寶蓋石城之山石城一麓西至香水山南  
有龍仁縣治一麓北至于禪長文殊秋峴葛馬之山  
為利時之阨南漢之阻廣州府治在焉自南漢北為  
黔丹山黔丹為舊邑之鎮

漢江在彥州面西北古稱漢山河新羅時為北瀆高麗稱  
沙平渡源出江陵及臺山至忠州西北與撻川合至原  
州西與安昌水合至楊根與龍津水合至廣州東北為  
渡迷津北為廣津為私坡串津西為三田渡為豆尾浦  
又西至十里京城之南為漢江自此西流為西水庫津

為銅雀津為露梁津為龍山江三南而西漕運所泊處  
又西至五里許為西江至陽川東北為楊花渡北為孔  
巖津至交河西與臨津合至通津北為租江入于海

按大明一統志朝鮮漢江在國城南一十里源出金  
剛五臺二山合流入海江之南即古百濟國也大清  
一統志漢江又名熊津江在國城南十里時以為險  
江之南即古百濟國地也

渡迷津在東部面俗稱斗尾又稱斗迷即楊根郡大灘龍  
津下流其北岨號渡迷邇東指奉安驛石路縈紆七八  
里新羅方言多以水崖石路稱之曰遷

廣津在龜川面北



松坡串津在中堡面北岸有別將鎮舍

三田渡在大旺面北

虎浦在龜川面麗史作鹵水浦俗名漢陰即漢江折轉處

其西楊州界

牛川在退村面一名昭川勝覽作小川一源出陽智經龍  
仁金嶺驛前北流至廣州之五浦面為細皮川東流至  
慶安驛前一源出陽智至廣州之都尺面為崐池巖川  
一源出驪州至廣州之寶村面東北流合慶安川東流  
至退村為牛川

洗皮川在五浦面

崐池巖川在都尺面

女妓川慶安下流合川匯成澄潭名鉏漁亭景物蕭灑可喜

炭川在樂生面源出龍仁石城山西流環龍仁縣西為莊  
莊浦過光教山折而北流經樂生面為險川北流由坪  
野徑大旺突馬入三田渡

良才川在彥州面一名公需川源出果川冠岳及清溪山  
合而東北流經良才驛東之流入于漢江

蟹川在龜川面源出金巖山入楸灘

險川在樂生面有新雨壇

洗貼灘在中谷面北廣津下流至此城灘古有姬居江邊  
漂布為業故名



太湖在東部面北一名芑池湖循江干濶百餘步長十里其西崑有山孤峙曰龜山

東溪出本城中由東城水門合諸谷水經過退村二十里

入牛川

梨串浦在聲串面

溫井在東部德豐里

椒泉在龜川面鷹峰下一名冷井七八月間有椒氣味甚

冽浴之能已瘡疥風痺溫井亦然古語曰溫井下有硫

磺冷井下有白礬

秋灘在龜川江上州中古有七灘為閑防要害之地筆灘

在草阜馬灘明火灘所灘在東部箭灘梨灘在彥州並

淑灘為七

楮子集在彥州江中俗稱舞童集南小巖如童形故名

一有所雨壇

鷗浦勝覽作仇此浦在聲串面南陽界

今屬水原

形勝

漢水之南土壤膏腴

百濟始祖之言見下

三面皆高山

李穀清風亭記

南漢有天險而東則有疊嶂西南斗絕平臨廣野丙丁之被長圍而內外隔絕以其無外山之聯絡故耳

李頤命閔防圖

說

漢山之城古稱百濟始祖之所都西北阻斗峽漢水東南



控嶺湖而捍蔽京師天作之高長子之近棧閣之險皆  
安坐無戰不可勝之地也

沈象奎坐  
勝堂記

清涼山舊稱日長山亦稱南漢山迤邐蟠據于廣之中壤  
內曠外截天作高城北帶漢水南控列郡土地膏腴民  
物殷富蓋以長子之近兼晉陽之固為保障於畿輔者  
也

### 建置

百濟始祖王十三年自慰禮城移都于漢水之南七月就  
漢山下立柵移慰禮城民戶九月立城闕謂之河南慰  
禮城

按漢山今廣州也百濟始祖避樂浪韓鞠之患遷都

漢南則明是自北而遷南也蓋慰禮之稱始於漢北及  
遷漢南又因舊號此所謂河南慰禮城也慰禮者當時  
方言凡匡郭之四圍者謂之圍哩圍哩慰禮聲相近也  
樹柵築土以作廣郭故謂之慰禮也東史以忠清道之  
稷山縣為百濟始祖居之慰禮者非也即今漢陽東  
北之地是始都之地也

新羅真興王十四年取百濟東北鄙置新興州

二十九年罷新州停置南川停

按新羅人謂營為停

真平王二十六年罷南川停置漢山停

文武王四年改南漢山城為漢山州又稱南漢山州



景德王十六年改漢山州為漢州領州一小京一郡二十  
八縣四十七

漢州屬縣二黃  
武巨泰  
中原京  
漢陽屬縣二荒  
懷過王  
交河屬縣二高

峯  
堅城屬縣二沙  
長堤屬縣四金浦分  
栗津屬縣三孔

巖印  
唐恩屬縣二振  
水城  
獐口  
海口屬縣三守

桐  
松嶽屬縣二如  
開城屬縣二德  
牛峰屬縣三長瑞

來蘇屬縣二重  
沂川屬縣二濱  
介山屬縣一槐壤

黑壤屬縣二都  
白城屬縣二蛇  
鐵城屬縣二岫  
兔山

屬縣三安峽  
富平屬縣一瀑池  
重盤  
海鼻屬縣一雌

樓岳  
五關屬縣一永豐  
瑞檀溪  
取城屬縣三唐

現  
莊松

高麗太祖二十三年改漢州號曰廣州

成宗二年定十二道置廣州牧隸關內道領州四縣三

川寧今縣竹州今竹山利州今利川果州今果川砥平今砥

平龍駒今龍仁楊根今楊仁縣

十四年置節度使號奉國軍隸關內道

睿宗時以關內道之楊州廣州所領合中原河南二道為

楊廣忠清州道廣州隸焉

明宗時分為二道以中原河南為忠清道以關內為楊廣

道廣州隸焉

忠肅王元年復合為一稱楊廣道

恭讓王時又割楊廣道地入京畿為京畿左右道



本朝 太祖四年改定京畿左右道以廣州隸左道

世宗朝置鎮、管收一都護府一部一縣五

驪州收利川府楊根郡砥平陰竹陽智竹山果川縣

世祖元年依前朝左右前後輔例以楊州為後輔水原為  
前輔廣州為左輔原州為右輔以北京師

燕山十一年州人有亂言者革本州

中宗六年復舊邑仍置牧使

仁祖四年改築南漢舊城移邑治于城內

### 城池

百濟始祖古城在漢山下

按百濟史云始祖王十三年就漢山下立城闕移慰

禮城民戶謂之河南慰禮城漢山即今之日長山而  
百濟始祖就山下立城闕則非築城於山上也而世  
以南漢山城爲百濟始祖所都之城未知何據而爲  
說也蓋其舊都廣州古邑而今之黔丹山下卽其所  
都之地也猶有舊址之可尋者且俗傳百濟始祖初  
欲定都於大華山之南周度城址地是今之都尺五  
浦兩面之間又云百濟古城在金巖山北十餘里寬  
起爲土山名二聖山城址至今宛然地是今之西部  
面也古史野乘之傳紀者惟此而已初無城於漢山  
上之文世人之不究故實直稱其古都在於南漢山  
城而城爲百濟始祖所築也濟史疎略文獻無徵則



亦何以的知其非百濟之舊城乎故特書於首以為傳疑傳信下書城在山下以明其不在於山上也

新羅文武王十二年築城於漢州東峰之上號曰畫長城亦稱曰長城石築周四千三百六十步內有六井及溪

碯溪隨錄

柳馨遠所著

曰輿地勝覽廣州曰長山城新羅文

武王所築畫長城即南漢山城也南漢世傳百濟舊城而勝覽所載如此宜以百濟舊都而文武王復為修築也歟

按漢州今廣州古邑而百濟之舊城也百濟之衰漢州為高句麗所得及句麗亡新羅得其南界置漢州等城於此蓋百濟舊都在漢山之下非此城也稱之

日長城者以城於日長山而或謂山勢據高早見日出晚見日入也

本朝光海辛酉以南漢定為保障之地築山城

按正宗己亥修築舊城役者得二歲於城西其上有天啓月日刻餘皆漫漶不辨光海辛酉即天啓七年也似是辛酉築城時所記者也

仁祖二年甲子命摠戎使李曙因舊址改築南漢山城越二年告畢

按甲子造變後朝議多言畿輔近地宜置保障之地完平李公元翼延平李公貴建言請修南漢山城乃有是命



肅宗十二年築峰巖外城

十九年築汗峰外城

三十一年增築峰巖兩砲壘

四十五年築新南城

英宗十五年改築汗峯城

二十年重修元城撤麗麗瓦越二年告畢

二十八年等新南城兩墩臺

正宗三年修築元城撤瓦麗麗定四門名東曰左翼門西

曰右翼門南曰至和門北曰金勝門

元城內周六千二百九十七步凡十七里半外周七千二百九十五步凡二十里九十五步以尺計之為二萬三

千六百六十尺也女堞一千九百四十垛皆覆以甍門  
焉者四門皆有樓甍城四暗門九軍舖一百二十五處  
各三四方皆建將臺

東將臺在東門內左部別將驪州牧使信地在其內後營  
將竹山府使信地在其外五里許有蜂巖城

西將臺在府後麓上地形高狀瞭陞潤遠右部別將利川  
府使信地 英宗辛未留守李箕鎮建樓於臺之上層  
上樓下臺輦車如飛內扁曰無忘樓外扁曰守禦將臺  
傍有新雨壇

南將臺在南門內前營將廣州判官信地外有甍城二  
正宗戊申府尹李泰永建樓於臺之上層制如西將臺



扁曰唾雲樓

北將臺在北門內中營將楊州牧使信地

南甕城凡三一甕城周三百四十四步女堞一百九十三  
甕城周二百七十六步女堞八十七條三甕城周九十  
八步女堞三十一條大砲穴二十六并石築

連珠峰甕城石築周二百三十一步女堞七十三條

長慶寺信地甕城石築周一百二十七步女堞四十條

峰巖城在府東五里巖石疊起陡高下有石穴僅容人古

傳有蜂為窠故名丙子清人登此巖窺覘城中虛實

肅宗丙寅府尹尹趾善始築外城周九百六十二步為  
七里女堞二百九十四條暗門四軍舖十五處建東林

寺以守之募入東門外民戶每戶給復三斗乙酉守禦使閔鎮厚增築五砲壘 正宗己亥修葺

漢峰城在府東門外丁丑清人登此峰放大砲 肅宗癸

酉守禦使吳始復自陞月峰至漢峰七八百步等角城自漢峰至新城東隅連一完築以為遮截東邊大路周

八百五十一把為六里女堞二百二十七垛暗門一募

入民戶給復三斗乙酉築蜂巖城時毀撤之 英宗己

未守禦使趙顯命改築周八百九十五步女堞二百七

十二垛距東城六百步 正宗己亥修築

南格臺一名新南城在府南五里與元城相對故或稱對

峰丁丑清人安大砲七八以放時已有城而中廢 肅



宗已亥守禦使閔鎮厚改築周七百四十三步女堞二百三十八垛距南城一千一百十三步募入民戶給復三斗

英宗壬申留守李箕鎮啓曰南格臺以南漢主峰壓臨城內其為要害甚於漢峰故判書閔鎮厚建白設築宜屬十五哨今作廢城宜築兩墩臺使一墩臺容八百人庶可專力固守免為敵據且山城雖曰天險三面平陸只此南格臺一邊以來龍主脉嶺脊嶮峻峯巒重複最合於設關阨通聲援而南去數里有一捷路名利保峴者丙子移 蹕初廟議欲以一枝兵遮截未及先為敵所奪內外斷絕至今痛恨臣既斷塞其峴今秋輪探時

別送伏路軍于利峴上驚巖峰使之報警南格臺轉報  
西將臺則詗察之便如在目前云云 命如其言明年  
癸酉築兩墩臺

砲壘一在城東南 墩臺二在南格臺東西各有軍舖

軍舖一百二十五 暗門十六 土窟一在南門內

池塘四十五 井八十 水碓五

英宗二十  
年并重修

按丁丑後陞月臺加築曲城屬於元城清人往見使  
毀撤云

李頤命閔防圖說曰南漢山城元城四方及峰巖溪峰  
皆有將臺此城四面俱險中多水泉林木可以保守故  
百餘年間增修不已保障之重與江都相甲乙議者以



為有海警當保北城有西北之警則當入江都或以為  
都城雖不遠中有江津不如連陸且山在野中地勢孤  
絕無連絡外通之路前事可懲不可恃為晉陽或以為  
丙子外援多敗雖相通亦無益今則儲糧積草江津置  
船多不必以此為憂天險不可忽云

肅宗十九年閏照

時右議政

延啓曰南漢山城築墩處臣與

守禦使吳始復同為省審則自東城陞月峰至汗峰其  
間七八百步俯瞰城中一半而大砲則不及甚是要害  
之處只築墩臺守卒單弱緩急之際若為賊所奪據則  
似反有害相距既不相遠若從城外築角城使汗峰入  
於其內則似好矣吳始復曰今若設墩於汗峰自汗峰

至新城東隅連一完築以為遮絕東邊大路則誠為萬全矣 上曰依所達連築可也

三十年石議政李濡啓曰臣待罪守禦使時往審南漢形勢則蜂巖增築之城定基不善又將自此周圍汗峰而築之太涉廣濶蜂巖所築若從其地形最高處而改築則步數可以減縮又從汗峰至於長慶寺所在本城而別築夾城則蜂巖汗峰兩城之間矢石相及賊兵必不敢入如是設築則功力亦省而前已始役中輟矣此是關係利害之地不可不急速完了刑曹判書金鎮龜曰臣待罪本廳時亦嘗往審矣陰月增築之舉即故判書臣李世華為守禦使時事而因連函旋止矣觀勢繼



築所不可已而今若務為廣濶則不但功力之浩大亦有害於防水之道不可不更審其形勢而加築矣左議政李喬曰臣嘗因往來槩察南漢形止舊城基址可謂天險而蜂巖新城病於太廣汗峯營築處亦然古稱城小而堅守城之法不宜廣濶蜂巖汗峰只慮賊人之窺我不必周圍廣築而宜無防守之道乎李濡曰若自東林寺後逆高處改築又自汗峰別築夾城則步數比前頓減矣禮曹判書閔鎮厚曰所謂蜂巖前日新築之處不但太濶一邊甚高一邊低下其高處則敵人之在外者可以窺覘其虛實右議政李濡請以改築甬道者蓋由於此而若築甬道則夾窄難容且迤繞山脊之際步

數尚廣臣之淺見則初頭築如甬道因其地形漸次補  
廣循砂角由東林寺以接於蜂巖之右則城制似完脩  
步數亦縮蓋前築處則六百餘把右相所言築處則四  
百餘把今日所達處不滿四百把矣李濡曰頃因鎮厚  
來示圖形與之論難而蜂巖加築處周四太廣故臣欲  
縮其地為四百餘把今鎮厚又欲縮而減之矣蓋蜂巖  
將臺與汗峯相距八百餘步自汗峯至長慶寺所元城  
二百餘步雖八百步之間大砲足以相及丙子亂汗峰  
之為彼所據以其時我無大砲故也今則既有此具蜂  
巖長慶寺兩處多數設置不得接足於汗峰之上則實  
合於守禦之長策若於汗峰築城或築墩不過以數百



名之孤軍置諸其中則從其相連之山脊乘暗城奪而  
據之反為賊窺覘制我之所其害有不可言以此論之  
則不如不築之為愈蜂巖將臺只可增築長慶寺之城  
亦宜別設大砲而汗峰築城築墩之後并為停止不煩  
功力之費亦無疎虞之慮矣鎮厚曰汗儀峰事臣方繼  
蜂巖事仰達而大臣先發矣丁丑之亂敵登此峰俯觀  
城內城不能支者未必不由於此故頃年有築城之議  
自蜂巖將臺新城之傍起築已築八百餘把卒劉書李  
世華又欲加築四百餘把以接於元城東門邊而未及  
完築其門廣濶便一別城以何軍兵而能守之耶右相  
為是之慮請從長慶寺築以甬道踰汗峰以止而臣詳

見地形則兩邊俱是絕壁中有澗水築與守皆難為力  
若於對敵之際或為所奪據則城內人心必致大擾矣

### 疆域

東至驪州界六十里利川界八十里楊根界三十里東南  
至利川陽智界七十里南至龍仁界四十五里西南至  
南陽水原界九十里西至果川界三十五里衿川界五  
十里安山界八十里北至楊州界二十里東北至楊州  
界四十里西北至京都四十里

按疆域四至之里皆起自山城而下錄舊界以資後  
考自舊治東至楊根郡界二十五里至驪州界七十  
五里南至利川府界七十四里至陽智縣界八十五



里至龍仁縣界七十三里西至果川縣界良才驛二十七里至安山郡界七十六里北至楊州界十里距京都四十一里

坊里

按本州一界之內分上中下置各面工道七面中道九面下道七面凡為二十三面而下道之一用松洞西面移屬水原府今為二十一面城內又分南北二洞、各有領將牌首面各有風憲里正總將都領將勸農都長各一人面有各洞、有各里而繁不盡錄

自  
行宮直抵東門以北為北洞而以南為南洞

上道四面

慶安在府南初境十里終境四十里東接草月瓊嶺西接  
突馬利旺峴南接五浦陳四坪北接東門外新峴

五浦在府南初境三十里終境五十里東接草月孔雀峴  
西接突馬秋嶺南接龍仁牛巖北接慶安胎峰山

都尺在府東南初境四十里終境七十里東接驪州墨坊  
西接大華山南接秋嶺北接草月瓊輜川

寶村在府東南初境五十里終境七十里東接驪州葛峴  
西接草月昆池巖南接利川廣峴北接退村牛山峴

草月在府東南初境三十里終境四十里東接退村武甲  
山西接慶安瓊嶺南接都尺昆池巖北接退村廣津灘



退村在府東初境二十里終境四十里東接楊根廉時西  
接草月倒馬時南接草月八尚書洞北接草月牛川  
草阜在府東初境三十里終境六十里東接楊根龍津西  
接東部八堂里南接馬峴津北接楊州時雨時

中道九面

東部在府北初境十里終境三十里東接退村黔丹山西  
接西部鄉校洞南接山城北門北接楊州平邱驛

西部在府北初境十里終境二十里東接東部德豐驛西  
接九川其自山南接細村靈長山北接東部荒山

龜川在府西北初境二十里終境三十里東接西部沙里  
峴南接西部馬山西接中岱夢村北接楊州溪陰津

中岱在府西初境十里終境二十里東接西部甘泉西接  
三田渡南接細村梅着洞北接果川月川峴

細村在府南初境五里終境二十里東接新城西接大旺  
屯田南接震馬、死峴北接中岱梅着洞

突馬在府南初境二十里終境三十里東接慶安渴馬峙  
西接大旺炭川南接五浦秋嶺北接細村落隅里

樂生在府南初境二十里終境四十里東接震馬鳴灘西  
接義谷鶴峴南接龍仁險川北接果川月川峴

大旺在府西初境十五里終境三十里東接細村炭川西  
接彥州南接樂生月川峴北接中岱甲士倉

彥州在府西初境二十五里終境四十里東接大旺鶴灘



西接漢江津南接新院猪島

下道七面

義谷在府西南初境四十里終境六十里東接樂生鶴峴  
西接果川仁德院南接旺倫陵內峴北接果川德藏洞  
旺倫在府西南初境五十里終境七十里東接龍仁白雲  
山西接果川五峰山南接水原邊峴北接義谷陵內  
峴

北方在府西南初境七十里終境九十里東接月谷沙士  
里西接聲串百五村南接水原明臯書院北接果川白  
石峴

月谷在府西南初境七十里終境八十里東接水原栗田

西接北方柳谷南接水原鱗峴北接旺倫大博里坪

聲串在府西南初境八十里終境百里東接北方八谷坪

西接安山真木亭南接南陽鵬浦北接果川蘆峙峴

一用在府西南初境七十里終境八十里東接水原光教

山西接月谷梨峴南接水原真木亭北接旺倫沙斤川

峴

松洞在府西南初境九十里終境百里東接水原松丘村

西接聲串南接南陽鵬浦北接月谷松蘿峴

一用松洞  
西面今屬

水原

○郡名

百濟 南漢山



高句麗 漢山郡

新羅 漢山州 南漢山州 漢州 新州

高麗 廣州 淮安

本朝 廣州

姓氏

本州 李 尹 石 韓 安 金 池

盧 張 朴 右三姓并屬

按本州古有閩姓人自補閩音卧億切諺音閩證正篇海夷列切音孽字彙補門閩也諸姓譜本州有覆姓石抹氏更無所傳而今州之石氏多居於山城或其後裔而只取石字歟諸姓中惟李安兩姓最著於

京鄉云

職官

留守二員

文正二品以上

自脩邊司擬陞受

點兼脩邊司提調

一員京畿觀察使例兼

南漢守禦使留守例兼

中軍一員

武邊禦以上

自兵曹擬陞受

點

判官一員

文蔭五品以上

自吏曹擬陞受

點

前營將一員判官例兼

檢律一人自刑曹差送

前營中軍一人本府校列中差出

別將一人鎮三四渡自本營以教鍊官久勤擬陞受



點

按廣州自三國時置州郡設官職而至羅虜文獻無徵雖未詳知其沿革略採見於記傳者與本朝置官之制并付于下

百濟  
闕

按漢山既為百濟之地則必置守土之臣定都之時亦當有治民之官又於近肖古王移都南平壤之後似置官而守之而皆無所考疑史之闕也

新羅真興王十四年始置軍主

真平王二十六年置漢山停諸官

軍號二十三曰六停二曰九誓六停之三曰漢山停

衿色黃青置諸軍官將軍三人位自真骨上至上臣為之大官大

監四人位呵倉為之至隊大監領馬兵一人領步兵三人

位自素麻至弟監四人位自素麻為之至少監十五人領步

兵大幢六人位自大舍下為之火尺十人屬大領騎兵大幢六

人位與少軍師幢主一人位自素麻至六大匠幢主一

人位與軍師步騎幢主六人位自素麻至監舍知一人

位自舍為之至著衿騎幢主六人位自舍為之至緋衿幢主

二人位著衿騎師子衿幢主三人位自舍為之至黑衣長

槍末步幢主二十八人位自舍為之至軍師監二人位自舍為之

至素麻大匠大監一人位自素麻為之至步騎監六人位與

同三千監音六人位與大匠著衿監六人位自素麻為之



五州警三曰漢山州警衿色紫綠置隊大監領騎兵一

人

位自素麻至

少監三人領步兵九人

位自大舍

火尺

二人

位與少

萬步幢二人衿色黃黑綠蜀幢衿色蜀方

尺無衿邊守幢

文武王四年置都督

聖德王三年置大都督

高麗成宗二年始置收使判官司錄叅軍事各一人

十四年置節度使號奉國軍隸開內道

顯宗三年廢節度使為安撫使

九年改定八收復為收

本朝世宗 年置鎮管收使判官教授各一人收使

正

品 兼兵馬節制使判官

從五品

兼兵馬節制都尉教授

從六品

燕山十八年革本州

中宗元年復設本州置牧使判官

六年以州凋弊革判官

仁祖四年築山城設守禦廳置使節制廣州等鎮軍務以

牧使兼防禦使

按文獻備考守禦廳有使一員副使一員廣州留守

例兼中軍一員守城將一員廣州府尹例兼廣州或

陞為留守或降為府尹而未嘗同時并設留守府尹

之事而此云留守例兼副使府尹例兼守城將有若



同時并設者恐誤

十一年以收使兼討捕使

十五年陞收使為府尹

孝宗三年以府尹兼守禦使六年罷守禦副使

肅宗六年復以府尹兼守禦副使旋罷之

九年置留守兼守禦使罷府尹為經歷移前營將於驪州

十六年罷留守經歷復置府尹兼防禦使討捕使前營將

如故

十七年復以府尹兼守禦副使

二十六年罷守禦副使

英宗二十六年罷守禦使置留守兼守禦使以府尹為經

歷移前營將于利川

三十五年罷留守經歷置守禦使設京廳如故以府尹兼防禦使前營將

正宗十九年罷京廳以留守兼守禦使出鎮本城置判官兼前營將

按自 仁祖甲子年間李曙始為守禦使經紀南漢山城甲戌沈器遠為守禦使曙以脩局堂上兼山城勾管之任丁丑後以大臣為守禦上使又出副使皆在京勾管而副使則無論書密符 孝宗壬辰以廣州府尹兼守禦副使而諭書密符則以其本兼防禦使故有之中間以從事官坐次相爭罷之 肅宗庚



中又為遷兼副使癸亥廟堂以為守禦使之設衙門  
於京中事甚急意遂罷守禦使陞府尹為留守又置  
經歷一人庚午又以留守秩高數遞不成軍門額樣  
遷罷留守經歷更出守禦使在京總領翌年復為府  
尹兼副使甲戌罷副使 英宗庚午又罷守禦使置  
留守兼守禦使以府尹為經歷己卯罷留守遷置守  
禦使設京廳如故至 正宗乙卯下綸音罷京廳以  
留守兼守禦使出鎮本城此內外營出入之沿革也

綸音見  
御製





重訂南漢誌卷二目

上篇

官室

官廨

樓亭


陵寢

附胎室

壇廟

學校

附書院





重訂南溪志卷二

列上 洪敬謨 編

上篇

官室

上闕在日長山下內行殿也

仁祖甲子改築山城移邑

治於城內建行殿及廨宇倉廩抵我使李曙尸其役收

使柳琳董之左右房軒及翼廊凡七十餘架至翌年乙

丑告竣卽是殿也尾上刻曰乙丑四月日造西牆有門

通些勝堂

下闕外行殿也在上闕三門外同時并建從背後折而西  
有甃清門通些勝堂西牆有門通日長閣三門外有教

鍊官廳又有門外有各廳正南十餘步建外三門上有樓扁曰漢南樓○殿壁奉揭英廟御製詩板紗以籠之軒之前楹揭聯句三對曰聖代初曰三古俗禁林長住萬年春春在聖人方寸裏民皆元氣太和中萬民歌舞康衢月千里烟霞壽域春

按上下闕卽仁祖丙子臨御之行殿也肅宗戊

辰英宗庚戌正宗己亥幸寧陵時道由山城

徑宿于此而非車駕所駐之時作為留守坐衙之所也

左殿在行殿北牆外卽宗廟奉安處肅宗辛卯府尹

金致龍建○守直一名



右室在南門內卽社稷奉安處舊只設壇辛卯與左殿

同時建室以奉社主○守直一名

在德堂在上闕後岨工肅宗戊辰留守李世白建

漢南樓卽行殿之外三門上樓正宗戊午留守洪億建

○楹聯四對曰守一城講龍席輶鎮百里閱貅貅士

大將軍御下威信良刺史宣上恩德是地無繭絲保

障暇日則雅歌投壺縱未能復讎雪耻恒存著忍痛

舍寬

人和館在行殿之東卽客館也正殿當中龕奉殿牌每月

朔望行望賀禮於庭仁祖甲子牧使柳琳建牧使李

泰淵揭扁曰人和文正公宋時烈有記純宗己丑留

守季止淵繕修○監官一人書吏二人庫直一名館直一名

肆觀坪行宮在坪之輦路東 正宗庚戌建卽華城幸行時駐驛所也○有正堂別堂左右庫舍監官一人庫直一名

○官廨

坐勝堂在上闕之左牆外 純宗丁丑留守沈象奎建堂之西壁穿月門 外樓也與堂聯簷通脊更上一層而為樓扁曰有此山樓自堂而庭有左右門左門曰左肅門通于此牆之外門前架木橋右門曰凝清門通于下闕之後堂之西拾級而上有小門曰明威由門而達以



威亭○堂之內楹聯曰屹然為長城老當益壯常如在  
戰陣安不忘危外聯曰坐籌於樽俎間抑為保障勝策  
在廊廟上不以山谿外軒楹聯曰山護溫祚舊都城開  
守禦全營 坐鎮漢南地方勝居蜀中天險 居也畫  
戟清香處以輕裘緩帶

日長閣在下闕之左 純宗己丑留守李止淵建

守禦營在城中央北麓之下古稱鍊武臺 肅宗朝守禦

使金佐明改修扁以鍊兵館 正宗己亥改今名

制勝軒卽判官坐衙在守禦營後 英宗戊辰府尹南泰

溫建內衙 正宗丙午建

裨將廳

教鍊官廳

旗牌官廳

本廳軍官廳

別軍官廳 親牙兵哨官廳 牙兵將官廳 中營

軍官廳 別破哨官廳 標下廳 伺候廳 書吏

廳 廳直廳 巡令手廳 吹手廳 軍牢廳 訓

導廳 細樂手廳 營奴廳 僧徒廳 鄉廳 以下

知穀官廳 東伍將官廳 捕盜軍官廳 書吏廳

巡牢廳 鐘閣 馬廊 防營軍官廳 獄 房有 女

獄

○樓亭

有此山樓在嵯勝堂後隔壁而稍加一層而為樓 楹聯

曰呼吸通帝座握月駕風物色非人間洞天福地 衙

於絳漢地上作神仙捧以白雲山中有宰相 高情四



無隣欲卧百尺相看而不厭更上一層登彼采其風

聖之清者朝來致有氣佳哉爽然

緩帶亭在下關之左西牆外純宗乙丑留守李晚秀建

又喜亭一架六楹在緩帶亭之下前有小池純宗癸酉

留守李肇源建

以威亭在望勝堂之右坵上純宗丁丑留守沈象奎建

卽射亭也

以明亭在以威亭左傍

玉泉亭在行殿後麓有泉石之勝留守沈象奎建已上在營內

地水堂在東門內左右有三池顯宗壬子府尹李世莘

建

觀奠亭一架六楹在地水堂池中 純宗甲子留守金載

瓚建

枕戈亭在 行宮之西小阜上完豐李公築城時於林藪  
中得一古閣不知為幾百年而柱礎皆固房椽不夷而  
當中一間高其壞為數尺爇火於竈高處先溫遍及於  
下壞居民謂之百濟王宮云遂於閣右建軍器庫皇明  
詔使程副總兵龍題額曰總戎武庫下書崇禎甲戌月  
日又畫蘭數叢於壁上生氣流動世傳程總兵畫龍於  
軍器庫壁上天欲雨雲氣常出其間遠視有飛動之勢  
或禱而有應云鄭東溟斗卿作畫蘭歌稱為佛寺或有  
所考歟蘭與龍今已斃剝無痕 英宗辛未留守李箕



鎮名扁曰枕戈亭

無忘樓在西將臺之上 英宗辛未留守李箕鎮建今

上丙申留守朴汝壽改建

嘯雲樓在南將臺之上 正宗戊申府尹李恭永建 純

宗壬戌留守金觀柱改建

九松亭在漢興寺後 仁祖丙子城中皆濯之只餘此九

株松 上命封職且設臺於其下仍以為名云 已工在管外

駐蹕臺在東門外 正宗己亥幸 寧陵時駐蹕於此守

禦使金鍾秀奉 教書駐蹕臺三字鐫於路傍巖石上

狎鷗亭上黨府院君韓明澮構亭於豆毛浦南岨奉使入

大明請名於翰林學士倪謙 命以狎鷗而為記搢紳

諸公共贈以詩亭名遂聞於中朝始明澮自以定策功  
擬宋之韓忠獻公琦而又欲得恬退之名以資歸晚節  
且將辭老江湖然猶顧戀爵祿不忍去 上作詩別之  
朝中文士爭相和韻累數百篇而判事崔敬止詩為第  
一其詩曰三接慙懃寵渥優有亭無計得來遊 明中政  
使機心漸宦海前頭可狎鷗明澮惡之不列於揭板中  
云

夙夢亭在狎鷗亭西叅判洪公錫輔別墅

清風樓在古邑客館東北舊稱清風亭牧使洪錫改搆為

樓牧隱李穡記今無

無盡亭在州西十五里花山君權攀別墅



石湖亭在退村面

陵寢 附胎室

獻陵在府西南二十里大旺面之大母山南乾坐

太宗大王寢園 世宗四年壬寅九月六日葬

元敬王后閔氏 世宗二年庚子九月十七日先葬於同

原

陵上石儀 石床一 長明燈一 陞柱石二 文石

二 武石二 席石四 羊石四 馬石二

按陵寢石室之制穿壙開南面為羨道作石室加蓋

石排地臺石隅石面石滿石引石蓋石內以黑畫天  
形日月星辰銀河皆依躔次天象之外及四旁石皆

以粉為質東畫青龍西畫白虎北畫玄武南則門扉  
兩石相合處畫朱雀其四獸行頭從隔石窓下畫之  
次置松黃腸板於石砌施衣地褥席於上又石砌外  
地周四鋪簟與席安梓官於褥席上遂垂簾於門內  
鎖閉玄宮門扉石遂加門倚石其倚石之外作便房  
以誌石哀冊奠於梓官之西次以贈玉及帛函奠於  
哀冊之南以黼翬蔽翬畫翬樹於梓官兩傍明器服  
玩各以次逐便陳之使有行列因封後外環以屏石  
又以大引石縱橫鎮之下排地臺石以石柱十二立  
於隅石之上次以童子石柱十二立於地臺石之上  
橫置時石二十四於石柱之間童子石柱之上以次



周回連排欄干周回十面東西北三面繚以垣牆高三尺四寸北牆下設二階牆內設石羊四西東各二石席四北二東西各一皆外向南設三階石臺之南正中置石床一其左右豎石望柱中階正中近北設長明燈左右立文石人各一石馬各一下階左右立武石人各一又立石馬各一俱東西相向

寢殿

即丁字閣

在陵室之南坐北向南

隨其坐向兩營之

築月臺上

立一字三間又聯殿南前簷立二間與殿而如丁字月

臺左右有階殿內安大主神褥床王后神褥床前

列床卓殿外以蔬簾環以垂之

碑閣二間在寢殿西別樹神道碑一神道碑陰記碑一

水刺間一間在寢殿東

守僕房一間在碑閣下

紅箭門一間在寢殿前十餘步

香大廳在齋室東

典祀廳在齋室西

齋室在香大廳右

齋即二負○舊有叅奉二負從九品後改叅奉一為奉事又改奉事為直長從七品

守護軍七十名○每名復戶一結五十負奉足二名位田今失所在

香炭山清溪山屬



神道碑銘

大提學臣卞季良奉 教撰

太宗恭定聖德神功文武光孝大王獻陵神道碑銘篆額  
天之將降大任於有德也必生聖子神孫以開景運以  
永洪祚我朝鮮 太祖康獻大王之興也以我 太宗  
爲子以我 殿下爲孫噫戲盛矣豈人爲之所能及哉  
天也其與商家賢聖君之緒作周家太王王季文武之  
相承何以異哉臣謹按璿源李氏全之涇姓司空諱翰  
仕新羅娶宗姓之女六世而至諱兢休始仕高麗十三  
世而至 皇玄祖穆王入仕元朝而長子夫四世襲爵  
成能濟美元政既衰 皇祖桓王遼事高麗恭愍王積  
功累仁其來久矣我 神懿王太后以至正丁未五月

辛卯誕 太宗于咸興府厚州私第我 太祖之第五子生而神異稍長英睿絕倫好讀書學日進年未冠中高麗科第時政散民離國勢圯捥慨然有濟世之志

太祖愛之異諸子嘗以書狀官偕侍中李穡朝京師累官至密直司代言洪武辛未九月 神懿王后薨廬于

齊陵之側欲終三年壬申春 太祖西行遘疾而還未

侍湯藥恭讓之臣乘隙謀傾勢甚急 太宗應機制愛

討除渠魁群謀瓦解秋七月與諸將相倡以大義推戴

太祖化家為國封靖安君甲戌夏 高皇帝命遣親

男入朝 太祖以我 太宗通經達體最賢諸子即遣

應命既至敷奏稱旨優禮賜還戊寅秋八月 太祖



不豫權臣朋家聚黨有欲挾幼擅政以肆己志者禍發  
斯迫 太宗炳機殲除時宗親將相皆欲請冊我 太  
宗為世子 太宗牢辭推尊 恭靖上請 太祖冊封  
世子以定 宗社九月丁丑 太祖以疾未瘳禪于  
恭靖建文庚辰正月逆臣朴苞謀戕同氣陰誘芳幹父  
子稱兵為亂 太宗勒軍平之誅苞餘悉釋安置芳幹  
不廢懿親 恭靖以無嗣且謂開國定社皆我 太宗  
之績冊為世子冬十有一月亦以疾傳位于我 太宗  
遣使請命明年辛巳六月建文連遣通政寺丞章謹等  
奉詔命印章來封我 太宗為王冬遣鴻臚寺行人潘  
文奎來賜冕服秩視親王歲壬午今 皇帝即位遣左

政丞臣河嶠賀登極 帝嘉忠誠明年癸亥四月賜以  
誥印遣都指揮使高得等來仍封為王秋遣翰林待詔  
王延齡來賜衮服九章錦繡紗羅書籍 太祖錦緞紗  
羅 元敬王太后冠袍錦緞紗羅各有差自是厥後  
帝賚荐至無虛歲矣歲乙酉以漢陽 太祖所都排群  
議而還歲丁亥 帝詔朝正使臣曰朝鮮國王至誠事  
大自後每當使臣之至輒稱至誠戊子五月 太祖晏  
駕哀慕因極居于諒闇喪葬以禮遣使告訃 帝震悼  
罷朝遣禮部郎中林觀等賜祭太牢贈謚康獻又勅  
太宗賜厚賻壬辰冬有以王氏之裔隱於民間者上言  
攸司請誅之 太宗曰帝王之興自有天命誅王氏之



後非我 太祖本意乃下教曰王氏後存者俾之各安  
生業甲午六月日甘露降于咸興府月光仇未里及定  
平白雲山明年乙未四月甘露又降咸興府德山洞各  
東方前古所未有也政府俱進箋賀不受戊戌六月以  
世子禔敗德廢之封讓寧大君以我 殿下聰明孝悌  
好學不倦國人屬望冊封世子以聞 帝俞允是年八  
月禔于我 殿下遣使請命十有一月我 殿下奉冊  
寶獻號曰 聖德神功上王明年己亥正月 帝遣鴻  
臚寺丞俞泉等奉誥命封我 殿下為王五月對馬島  
倭犯邊殺掠軍士命領議政臣柳廷顯及長川君臣李  
從茂等以舟師往討之島倭納款如舊八月 帝遣使

賜宴勅書略曰王至誠篤厚祗事朝廷一德一心終始不  
怠能簡賢命德俾宗社有訖以副國人之望又賜宴我  
殿下勅書略曰甫父篤厚老成祗敬天道忠順之誠愈  
久不替九月恭靖王卽世服斬衰終易月之制遣使告  
訃明年四月 帝遣使致祭賜謚恭靖是年春我 殿下  
下車群臣請上 太上王之號不允秋七月 元敬王  
太后薨以我 殿下哀毀過禮命從易月之制 殿下  
涕泣固辭乃命葬後釋服白衣終制九月壬午葬 太  
后于廣州治之大母山陵曰獻辛丑秋九月我 殿下  
奉冊室獻 太上王之號十月稟 太宗命冊封元子  
諱 爲世子 太宗以不世之姿緝熙聖學孝悌通於神



明誠敬格于宗社事大則天子稱其至誠交隣則倭邦  
服其有道欽 天恤民崇儉節用先德體而慎刑罰進  
忠直而黜奸邪闢異端而禁淫邪酌古今而定制度昭  
文教而嚴武脩積弊惠革而度績咸熙四境安堵而民  
安物阜帝王之道嗚呼盛哉宜其紆帝眷之隆而再獲  
甘露之上瑞矣壬寅四月始不豫越五月丙寅薨于離  
宮我 殿下不勝哀痛三日撤膳羣臣海泣請進膳竟  
不許之為三年之喪不用易月之制 太宗春秋五十  
六歲在王位十有九年居間頤養五年而弓劔忽遺大  
小臣僚下至僕隸莫不失聲號哭愈久愈哀如喪考妣  
嗚呼痛哉以是年九月初二日丙辰上尊號曰 聖德

神功文武光孝大王廟號 太宗初六日庚申合葬于

元敬王太后之陵遺命也及訃聞 帝哀痛輟朝遣

禮部郎中楊善等賜祭其文略曰維王篤厚至誠聰明

賢達敬事朝廷忠順之心終始不替訃音遠聞良深感

悼又賜誥命謚曰恭肅又賜 殿下賻優厚蓋我 太

宗功德之盛及我 殿下孝誠之至前後相承克享天

心故於終始之際寵異之典如此其脩至矣 中宮元

敬王太后姓閔氏驪興世家自高麗門下侍郎平章事

文景公諱令謨六世而至皇高祖諱宗儒相毅陵位都

僉議侍郎贊成事謚忠順忠順生皇曾祖判密直司事

謚文順諱 文順生皇祖大匡驪興君諱林大匡生皇



考純忠同德賢化功臣大匡輔國崇祿大夫驪興府院  
君修文殿大提學領藝文春秋館事謚文度諱霽母宋  
氏封三韓國大夫人高麗重大匡礪良君諱璿之女積  
善流度是生淑德聰慧異常將笄擇配來嬪我 太宗

太宗少有濟世之志留心經史不事家產 太后純儉

於治家謹於主饋以勉其功教誨多男俾順義方禮遇

妾侍克尽婦道洪武壬申封請寧翁主戊寅 太宗定

社之際勢甚孤危 太后尽心協贊以濟大事庚辰春

封貞嬪其年冬 太宗即位封靜妃永樂癸未賜冠袍

自是年至丁酉累受 帝賜凡五戊戌冬我 殿下猷

鄂曰 厚德王大妣庚子九月上謚 元敬王太后春

秋五十六歲

太后稟幽閒貞靜之德克配

太宗以

專內治二十年間壺儀肅穆又誕

聖子俾主

宗社

以享榮養及薨嬪媵妾侍莫不尽心悲痛婦則母儀其

至矣乎誕四男四女我

殿下居三長即禋次曰補封

孝寧大君曰種封誠寧大君先卒女長貞順公主下嫁

清平府院君李伯剛非一李也次慶貞公主下嫁平壤

府院君趙大臨次慶安公主下嫁吉昌君權跬亦先卒

次貞善公主下嫁宜山君南暉懿嬪權氏生一女貞惠

翁主適雲城君朴從愚昭惠宮主盧氏生一女幼信寧

宮主辛氏生三男七女男長裋封恭寧君餘幼女長貞

信翁主適鈴平君尹季童次貞寧翁主適漢原君趙璿



次淑貞翁主適月城君鄭孝全餘皆幼宮人安氏生一  
男三女皆幼金氏生一男祔封敬寧君高氏生一男崔  
氏生一男一女李氏生一男金氏生一女皆幼我中  
宮恭妃沈氏門下侍中諱德符第四子溫之女誕四男  
二女男長卽世子餘皆幼讓寧娶金漢老之女生三男  
一女皆幼孝寧娶前判中軍都摠制府事鄭易之女生  
四男皆幼誠寧娶前全羅道都觀察使成抑之女無子  
貞順公主生一女適竜驤侍衛司護軍李季隣亦非一  
李慶貞公主生四女長適敦寧府丞安進次適幼學金  
仲淹餘幼慶安公主生二男長聘娶漢城少尹鄭淵之  
女次幼貞善公主生二男一女皆幼敬寧娶戶曹叅議

金灌之女生二男皆幼恭寧娶兵曹叅判崔士康之女  
生二男皆幼臣竊觀我太宗之盛德隆功固已高出  
於百王之上矣而配匹之賢內助之功又有可與蜀塗  
華摯同符而麗美者矣羣臣咸願刻銘于陵之神道  
碑昭示永世 殿下以命臣李良臣李良承命祇慄不  
敢辭謹拜稽首而獻銘曰

天眷海東降我太宗 太宗盛德在躬推戴

聖父克集大功乃勤 帝庭敷奏從容優荷睿恩保我

黎元炳幾靖亂適長是尊雖值闕牆友愛惟惇孝悌之

至從古罕聞維德之厚幼功之懋天鑑孔昭式申保佑

煌七金寶輝映前後 帝誥荐臻我乃寵受 祖訓維



服還于漢北制作禮樂煥乎郁<sub>二</sub>遭喪居廬哀慕罔極  
以葬以祭古典是式祇事朝廷帝祔至誠肅<sub>二</sub>承事  
感于神明交隣有道倭邦來廷存恤王喬俾遂其生中  
外又安垂億千齡浥<sub>二</sub>甘露歲降咸府廢昏命德以作  
民主期享永年父臨下之何促賓天一疾莫愈哀<sub>二</sub>聖  
子痛悼無比徹膳三日不勝摧毀凡百喪事維禮之履  
帝聞痛悼遣使以祀贈謚褒崇賜賻優隆恤典之倫  
喜溢匠工思齊太后允也用雖密贊定社克配亶聰  
篤生聖哲俾主宗祏乾健離明恭定之德坤厚  
柔貞元敬之則琴瑟以友歲同其域子孫振<sub>二</sub>于嗟  
其麟縣<sub>二</sub>宗祀垂萬億春臣拜獻詞刻之貞珉萬代

不磨照我東垠

神道碑陰記

大提學臣尹淮

奉教撰恭惟我

太宗大王聖德神功卓冠前古春

秋未高傳昇

聖子方遂優閑脩享榮養而弓鉤忽遺

我

殿下哀毀盡禮越五月命葬于

元敬王太后之

獻陵遵治命也陵在廣州治之西大母峰下乾亥之山

乾坐巽向北距京城三十里許謹按山來自長白而南

踰數千里至尚州之俗難山折而西北又數百里至果

川之清溪山又折而東北負漢江而止是為大母山坤

靈停岐淑氣蜿蜒意天作地蔵以待元陵之吉兆歟

殿下命即陵之巽方六十三步樹之豐碑以記德義垂

輝來今又命序次開國佐命定社功臣姓名刻渚碑陰



臣竊惟自古王者之作必有名世之臣應時而出弼成大業於是有紀功宗銘彝鼎之典所以示不朽傳悠久也我朝壬申之開創與夫戊寅庚辰之戡定實天所以啓太宗以基朝鮮萬億年無強之兆也然亦將相忘身委質賁襄輔佐之力與有多焉是宜鐫銘貞石以示永世後之規者尚克知我殿下顯揚先烈褒獎元勲之至意云

開國功臣益安大君芳毅門下侍中裴克廉平壤府院君趙浚上洛府院君金士衡興安君李濟義安大君和鷄林君鄭熙啓青海君李之蘭宜城君南閤花山君張士吉西原君鄭搃漢山君趙仁沃宜寧君南

在清城君鄭推蓋和君金仁贊坡平君尹虎蔭山君  
李敏道戶曹典書趙英珪復興君趙胖漢川府院君  
趙溫南陽君洪吉文玉川府院君劉敬平城府院君  
趙翀平海君黃希碩興寧府院君安景恭鷄林君金  
綢中樞院副使柳爰廷星山府院君李稷寧城府院  
君吳思忠安平府院君李舒漢山府院君趙英茂完  
城府院君李伯由興原君李敷延城君金輅高城君  
高呂東原君咸傳霖西原君韓尚敬上護軍韓忠驪  
川府院君閔汝翼

定社功臣義安大君和益安大君芳毅上黨君李佇  
平壤府院君趙浚上洛府院君金士衡晉山府院君



河崙溪山府院君趙英茂完原府院君李良祐奉寧  
府院君福根青海君李之蘭花山君張士吉漢川府  
院君趙溫延城君金輅清城府院君鄭擢完山府院  
君李天祐中樞院副使張哲鸞山府院君辛克禮  
佑命功臣上黨君李忻晉山府院君河崙溪山府院  
君趙英茂鸞山府院君辛克禮鷄城君李采義安大  
君和完山府院君李天祐昌寧府院君成石璘完川  
君李淑青海君李之蘭漆城君尹抵義城君金英烈  
坡平君尹坤錦川君朴岑平陽君朴錫命長興府院  
君馬天牧漢川府院君趙溫吾昌君權近鐵城府院  
君李原星山府院君李稷文城府院君柳亮漢平府

院君趙渭平陽府院君金承靈麻城君徐益南陽君  
洪恕漆原君尹子當鵠林君李升商蓮城君金定卿  
利城君徐愈長川府院君李從茂永陽君李膺豐山  
君沈龜岭谷山君延嗣宗沔城府院君韓珪熙川君  
金字越川君文彬礪山府院君宋居信贈同知中樞  
府事金德生

按本 陵旣堅神道碑顯揚先烈又以開國是社諸  
功臣官職姓名為陰記立於神道碑之下實出褒獎  
元勲之至意而他陵之所無者也

宣陵在府西三十里彥州面之西學堂洞土塋

成宗康靖大王寢園燕山元年乙卯四月六日葬



貞顯王后尹氏寢園在 大王陵左岡艮坐

宣祖二十五年壬辰九月倭奴陷王京禍逮 兩陵癸巳

八月改封

陵制石儀同 獻陵而無屏石 王后陵與 大王陵

同

按山陵石室之制 光陵因山時遵 遺教不用

英陵因山時只為土封而不排屏石至於四方石室

臺等石其後次第除之 宣陵陵制亦似不用石室

而況於癸巳改封時乎今石儀只有欄干石之床長

明燈武石羊馬虎等石 王后陵在左岡故石儀各

為排設

寢殿三間在 大王陵下土塋內安 大王神褥床

王后神褥床

碑閣一間在寢殿西樹表石一

水刺間一間在寢殿東

紅箭門在寢殿東十餘步

香大廳在齋室東

典祀廳在齋室西

齋室在香大廳右

齋即二員○舊有兩叅奉從九品後改叅奉一為直長  
又改直長為令今還為直長

守護軍七千名○每名復戶一結二十員奉足二名



位田大旺面三十一結一十七負三束彥州面二十  
六結二十三負二束

香炭山光教山屬

表石 前面

朝鮮國 成宗大王宣陵 貞顯王后祔左岡

後面

成宗康靖仁文憲武欽聖恭孝大王 皇明天順元年

丁丑七月三十日誕庚辛巳初封者山君成化四年戊

子加封者乙山大君己丑十一月即位弘治七年甲寅

十二月二十四日昇遐乙卯四月六日葬于廣州西學

堂洞壬戌之原在位二十五年壽三十八 皇朝贈諡

康靖

緡妃慈順和惠昭懿欽肅貞顯王后尹氏天順六年壬午六月二十五日誕生成化九年癸巳初封淑儀庚子十月冊封 王妃嘉靖九年庚寅八月二十二日昇遐十月二十九日葬于 大玉陵左岡民塋之原壽六十九

崇禎紀元後一百二十八年乙亥二月日立

靖陵在 宣陵東乾塋

中宗恭僖大王寢園初葬于高陽 禧陵 明宗十七年壬戌九月四日移寢于此 宣祖壬辰有倭寢癸巳八月改封



陵上石儀同 宣陵

寢殿三間在一陵下乾坐內奉神褥床

碑閣一間在寢殿西有表石

水剌間一間在寢殿東

守僕房一間在碑閣下

紅箭門左寢殿前十餘步

香大廳在齋室東

典祀廳在齋室西

齋室在香大廳右

齋郎各二員 同宣陵

守護軍各七十名 同宣陵

位田并失所在

香炭山門懸山尖長山各半面屬

表石 前面

朝鮮國 中宗大王靖陵

後面

中宗恭僖徽文昭武欽仁誠孝大王 皇明弘治元年

戊申三月五日誕生初封晉城大君正德元年丙寅九

月二日卽位嘉靖二十三年甲辰十一月十四日傳位

于 仁宗同月十五日昇遐乙巳二月葬于高陽 禧

陵嘉靖四十一年壬戌九月四日移葬于廣州 宣陵

東岡乾坐之原在位三十九年壽五十七 皇明賜謚



恭僖

崇禎紀元後一百二十八年乙亥二月 日立

按國初諸陵寢立神道碑自 健元陵 齊陵

獻陵 英陵皆有之 端宗卽位初將豎碑於 顯

陵初已就議者以爲自古人君行事之迹俗載國史

不必如士大夫之立神道碑請罷之自其後遂不豎

碑故 睿宗己丑 英陵之遷奉埋碑不用蓋 陵

寢之不立碑自 顯陵始而 顯宗癸丑 寧陵遷

奉時先正臣宋時烈請立表石各 陵寢表石亦請

并建 寧陵則先立表石各 陵則未及豎表 英

宗某年慶恩府院君金柱臣建言 健元陵 獻陵

外皆無碑表如 顯陵 穆陵 徽陵 崇陵皆在

健元陵局內而八陵布在一山之內千百代之後將

不知某之陵而 英寧陵在驪州敬昌翼明諸陵及

禧孝兩陵皆在高陽 宣靖兩陵在廣州 恭康兩

陵在楊州而此皆不遠既無顯刻今若漸次入石於

丁字閣後穴前則萬代之後某陵之為 某王陵將

無難辨之患矣 上可之至三十一年乙亥始於

厚陵 顯陵 光陵 昌陵 敬陵 宣陵 靖陵

皆豎表石

又按各 陵寢每歲春秋本道觀察使奉審矣正宗

乙卯守禦使出鎮本城後以本府既設留守地望自



別府內各陵寢春秋奉審及宜安大君墓每年一次看審不必使道臣為之此後并今留守舉行事定式

舊英陵在 獻陵西岡 世宗莊憲大王寢園 昭憲王

后沈氏祔葬 睿宗己丑三月移葬于驪州西北城山

舊禧陵在 獻陵右岡 章敬王后尹氏寢園 中宗丁

酉移葬于高陽南元堂里

附  
胎室

成宗大王胎室在靈長山佳丁巖慶安面

表石前面

成宗大王胎室

後面

道光三年五月日立

後面成化七年閏九月日立萬曆六年五月日改立  
順治九年十月日改立道光三年五月日改立

按胎室表石成化七年始立至清順九年凡三次改豎  
而 純宗癸未四月表石為風木所壓仍為折傷五月  
禮曹堂郎來詣與本府留守改豎新表

中宗大王胎室在梨嶺上

○壇廟

社壇在南冊寺右左社右稷兩冊僚以周垣有四門及閭  
古邑社稷在草德里有冊無宇 英宗乙卯府尹曹金



教移建于此

城隍壇在北門內東岡上屬祭前三日先行城隍發告祭  
屬祭時又并祭

屬壇在北門內一年三祭用清明日七月十五日十月朔

日

祈雨祭壇清涼山在西將臺○渡迷津在西部面○獲嶺  
在草月面丙子亂慶尚左右兵使戰亡處○險川在樂  
生面丙子亂忠清監司敗陣處○楮子島即舞童渡自  
京每祈雨於此

文廟在鄰校

百濟始祖王廟在西門內

仁祖戊寅命立廟祀王以完

豐君李曙配以有功於尊城也每歲春秋卜日享之香  
祝自禮曹賁來 正宗乙卯揭額崇烈宣額日親製文  
致脩○祝文年月日朝鮮國王姓諱謹遣臣廣州府判  
官具啣某敢昭告于百濟始祖王伏以業承東明功高  
南漢永垂靈佑歆我圭瓊謹以牲幣醴齊粢盛庶品式  
陳明薦尚饗○出鎮前祝文克創厥業克傳厥祚享祀  
不忒庶其歆願頭未措辭與今祝文式同

正宗乙卯九月十八日揭文院齋宿入侍時廣州判官李  
始源所啓臣以閭臣適登 筵席俯詢之下有所仰達  
矣本府有百濟始祖廟而尚闕稱号事體脣越依麻田  
崇義殿平壤崇寧殿例令藝文館定廟号自本府書揭



似好矣 上曰歷代后王典祀之所皆有殿号如箕子  
崇仁殿檀君東明王之崇靈殿新羅始祖之崇德殿高  
麗始祖之崇義殿是也獨於百濟始祖之廟尚闕殿号  
不但為欠事以名号權称於公私文跡棄瀆莫甚既覺  
之後宜即釐正以崇烈殿称号文献備考大典通編五  
禮儀等書即為洗補適因登筵已有下教殿扁李判府  
書之揭号日遣守臣致祭以文當親撰矣

致祭文

厥初鴻庥三國并世高氏之胤實維百濟煌々樹立雄  
視遠矚士馬一奮親彼棘鞬手闢草萊有旼疆界東社  
羅麗西南于海弄珠橫梁風動光燭綃布綵麻歲量豐

偷民具飽德從者如雲叢爾憇禮未易容邦江漢之陽  
山曰日長允美茲土禾稼穰々維十三年遂成大都天  
府金湯翼々鴻圖我朝因之屹若保障丙歲胡焚暫勞  
仙仗靈應濯々雲中陽眷小大稽首休我明神々其格  
思古廟丹青楣闕顯号有駿瞻聆蜀城公安帝以名扁  
雲峰於越亦称句踐維予曠感式崇其烈哿矣殿額於  
赤旻節山川增氣草樹生輝維億維萬侯無我違壽我  
福我海晏河清何以報之牲醴肥馨



顯節祠在東門內 肅宗戊辰命留守李世白達癸酉春  
賜額 掌令 贈領議政忠正公洪翼漢校理 贈領  
議政忠貞公尹集校理 贈領議政忠烈公吳達濟癸  
酉暇享左議政 贈領議政文正公金尚憲更曹參判  
贈判書文簡公鄭蘊已卯延享而金鄭洪尹吳并列一  
行

○學校書院

鄉校本在古邑西二里 肅宗癸卯府尹李躋移建于古  
邑基距今山城北十里

大成殿 東西廡 典祀廳 祭器庫 明倫堂 東  
西齋 內外神門

大成殿：內正位大成至聖文宣王居中南向

從享充國復聖公顏子沂國述聖公子思在正位東南  
西向邠國宗聖公曾子鄒國亞聖公孟子在正位西南  
東向俱北上

殿內從享費公閔損薛公冉雍黎公端木賜衛公仲由  
魏公卜商道國公周敦頤洛國公程頤在東壁并西向  
鄆公冉耕齊公宰予徐公冉求吳公言偃潁川侯顏孫  
師潁國公程顥徽國公朱熹在西東廡弘儒侯薛聰文  
成公安珣文敬公金宏弼文正公趙光祖文純公李滉  
文簡公成渾文正公宋時烈文純公朴世采在東北向  
東上



西廡文昌公崔致遠文忠公鄭夢周文獻公鄭汝昌文  
元公李彥迪文成公李珥文元公金長生文正公宋俊  
吉在南北向西上

龜巖書院在龜川面 肅宗丁巳建院丁丑 賜額前朝

判典校寺事李集号遁村左叅議李養中号石灘主享

成宗朝承旨鄭誠謹 仁祖朝左副賓客鄭暉号守夢

配頌議政吳允謙号楸灘持平任叔英延配

秀谷書院在大旺面 肅宗甲子建院乙亥 賜額宣

祖朝工曹正郎李義建号峒隱 孝宗朝掌令趙凍号

滄江先享 孝宗朝頌議政忠貞公李厚源号适齋延

配







